

王焱  
編

日本漢文學百家集  
78



YSP  
北京燕山出版社



王焱 主編

日本漢文學百家集  
78



北京燕山出版社

第七十八册

讀耕先生全集 詩集 卷十八至卷二十 林春德著 寬文九年……………一

讀耕齋全集

詩上



讀耕林先生詩集卷第十八

萬治二年己亥今茲先生三十六歲

元旦口號五首

其一慶陽春

東皇高步自東方  
山海何求棧與航  
遙慕唐虞雲  
日化由來稷契擬  
勾芒

其二述春情

梅可視兮鶯可聽  
聊披新曆指階墀  
先王勞酒吾  
何御  
益益春心醉六經

其三

歲次 戊戌年 戊戌而閏臘晦壬戌也 今年巳亥而元日是癸亥

戊曆捲終壬戌推亥年亥月履端開昔聞狗尾續  
貂去今看猪頭相追來

其四

吟行 年

陂水嵩峯數奈何三十六歲對陽和天根月窟一  
元氣春在堯夫安樂窩

其五

叙感 懷

一般春色一園林人去年來感遇深無復椿萱生  
意在看他梅柳最關心

余有事故而兩年不作元日詩今日試毫偶得  
五絕

和奉家兄元旦試毫之高韻

去歲雖加閏月多既驚奔景轉頭過健毫一擊陶  
泓凍萬古春流文字河

講筵戴記帙篇多手裏春風可捲過學術固知源

委在曾聞後海又先河

頂年所講之禮記其終  
編也今歲固可期也

家兄有感舊之作謹和之

新歲欣然骨肉親此時豈得不傷神煙霞花鳥自

同樣唯靡瞻依懷二人

和春信雞日試穎詩韻二首

迎春草色與苔紋詩態含來藹藹雲風暖文場堪  
疾走笑他世上小兒群

麗筆華牋舉彩紋溫風吹起紫潭雲逸才想似馬  
千里春野宜空冀北群

次春常三元試兔韻二首

江上春生舊臘餘暖雲風度似垂裾年前鹽虎蹲  
猶在唐突朝來白躡猪

嫩鶯歌管一聲餘  
稚柳行看飄舞裾  
須是東君隨  
遇喫曆頭今日得雞豬

坂伯元生有元朝試毫絕句依例次韻

鳴硯先摧冰一條  
年時月始在今朝  
待看雪浪春  
江漲遲日涵輝拂沃焦

金節有三朝試簡兩絕乃次其韻

屠蘇嘗了記仙翁  
象緯先看參尾中  
殘雪匹如商  
皓頂黃公便是夏黃公

雲霞渺渺不愁予  
海日高輝滿架書  
春誦陶泓星

斗影界方誤莫擊來緒

孟春狗日之夕蒼天蒙然陰雲敷普餘寒鼎  
負頗催雪意余與金節同是嗜玩六花乃馳  
牘以告之節乎報云所思果相協矣入夜寄  
待雪側體五十六字而乞點改需和荅於是  
次韻附來奚遣之

孟陬二冀冷藹簇要見霏雪翻綺縠春在眼前憶  
昌黎寒到骨邊認山谷定有早絮着輕揚遮莫門  
闌折短竹城不復隍待舞鴉偶讀地天泰上六

夜闌六花踈踈曉來瀟瀟啓晨窓而顧視之  
早春之清玩豈在他乎昨夕之所期果以暢  
達連歲猪目之雪亦是竒逢也口占一絕以  
示金節

又看春雪更欣欣愛玩何唯敬去文始識老猪真  
好事寒花屢散歲初雲

金節有雲字之和酬且并小序序云猪年猪  
目之雪愈竒也旣而玉塵速消固可惜焉乃  
又同韻以示之

雪應精祈怪且欣偶思坡老與堯文六花易散東  
風面此物不牢侔彩雲

猪日雪早解而雨又降一日之內氣候之變  
態胡然若是哉側體四韻書以示金節

亥歲元旦亥在癸雞狗筭過猪日是杲旭照穿亢  
鼻豚和風奮起剛鬣豕朝來招得六出公午後逢  
着赤將子對雪伴雨豈關凜固知東君所驅使

用通

野恂有三元試翰詩乃繼聲

風拂藥囊霞入觴門前松竹鬱蒼蒼九衢十二街

春景宿雪花飄鞋不香

來詩有今年二十一歲之趣故今及此

隨例奉摘吏部松平君雞旦倭詠之末字

東武迎年甲族家詞源激起海之涯想應青帝新

書寫山曳篆雲江抹霞

書寫山者播州之佳境而在君之封內也君年來喜

貯本朝之書籍其書寫之堆積固既甚多舊臘借倭史數部于向陽子而寫之又豫約餘編于今春矣故三四句偶用離合體以寓此意

次長好元旦詩韻

膠餽藍尾盃依例一筵開皇矣慙懃迓帝顓寂寞

回詩期花筆麤盤得菜羹堆  
番信無遐邇西京東  
武梅

依例摘八木但牧元旦試毫倭歌末字爲韻  
而呈六言一絕

和風幾百千家試筆先吟物華淡麗江邊宿雪輕  
揚關外朝霞

任例摘立詮上人歲初倭歌末字

新年淺草梵宮遙想見金剛峯上天縱是梅芳  
雖被忌春風莫使有株連

倭歌有祝請之意  
故三四句及此

漫摘立英僧都三元倭歌尾字

三韻  
同字

迎春意自閑塵裏盍偷閑相待晴絲捲須占白日  
閑

阿部以宗者立詮上人之俗姪也元旦有說  
毫倭什余偶見之採其末字爲韻示一絕以  
宗常侍上入于淺草之院內

一院和風晴景好宿雪舊愁共拚掃猶期花深春  
亦深先看韶光浮淺草

金節贈一大鯉又以欣文雲爲韻併寄一絕

乃和報之

赤鯁馳到得歡欣此物曾逢余善文  
數箸腥鱗應旦食他時桃浪定乘雲

野口永安有歲旦詩余乃和韻

春至武陵多少家東風原上仰晨霞  
先看萌動芳菲外六出殘花映浪花

兒島道慶有雞日詩乃次其韻

新曆新春萬物新冰魚跳出武江濱  
鶯邊惜晷亘期燕歲月都來不待人